

TE PARE TIAIRAA

E FAAITE RA I TE BASILEIA O IEHOVA

SPARINGLY.
Translations in other languages
are printed, distributed, and
became more widely known.

THAT GOD'S NAME SHOULD BE USED

In his 1534 edition of the German Bible, Martin Luther became the first translator to use
the name Jehovah in the German Bible. He did so after acknowledging the appearance of the
divine name, Yahweh, in the Hebrew Bible. It did not appear in the German Bible until 1891.
The word Jehovah was first used in the New World in 1616.



TE BIBILIA
UA TAE ROA MAI IA TATOOU

TE FAAHANAHANA ra te vea *Te Pare Tiairaa* i te Atua ra o Iehova, te Arii o te ao taatoa. E tamahanahana atoa i te taata na roto i te parau api oaoa fatata te Basileia o te Atua i te ra'i i te faaore i te ino atoa e te faairi i te fenua ei paradaiso. E faaitoitoo atoa te reira ia faatupu i te faaroo ia Iesu Mesia tei pohe ia nehenehe tatou e fana'o i te ora mure ore. Te faatere nei oia ei Arii o te Basileia o te Atua. Mai 1879 mai te piaraahia teie vea e ere i te papai poritita. O te mana'o o te Bibilia tei haafau-faahia i roto.

E ere teie papai i te mea hoo.
E tuhaa te reira no te hoê ohipa haapiiraa Bibilia na te ao atoa nei e turuhia ra e te mau ô horoa noa.
No te mau ô horoa noa, a hi'o i nia www.jw.org/ty.

Aita ana'e i faahitihia te huriraa Bibilia, no roto mai ia te mau irava i *Te Bibilia Mo'a ra* ma te tahi mau faatanoraa i te tapao o te toparaa reo.

E hinaaro anei oe e ite atu â aore ra te hoê haapiiraa Bibilia tamoni ore?

A hi'o i nia www.jw.org/ty aore ra a hapono mai i ta oe parau aniraa:

The Watchtower (ISSN 0043-1087) Issue 10 July 2016 is published monthly with an additional issue published in January, March, May, July, September, and November by Watchtower Bible and Tract Society of New York, Inc.; L. Weaver, Jr., President; G. F. Simonis, Secretary-Treasurer; 1000 Red Mills Road, Wallkill, NY 12589-3299, and in Australia by Watchtower Bible and Tract Society of Australia, 12-14 Zouch Road, Denham Court, NSW 2565. Periodicals Postage Paid at Brooklyn, NY, and at additional mailing offices. **POSTMASTER:** Send address changes to Watchtower, 1000 Red Mills Road, Wallkill, NY 12589-3299. © 2016 Watch Tower Bible and Tract Society of Pennsylvania. Printed in Australia.



EAHA TO OE MANA'O?

Mai te peu no ô mai te Bibilia i te Atua, e vai noa ia te reira noa 'tu te haafifiraa, e ere anei?

O te Bibilia iho te na ô ra: **“Te maehe nei te aihere, te maheahea nei te tiare; area te parau a to tatou Atua, e tia ia i te vai-maite-raa.”**—Isaia 40:8.

I roto i te tumu parau matamua o teie vea, te faatiahia ra te aamu faahiahia mau o te Bibilia i tae roa mai ai te reira ia tatou.

Te Bibilia: Ua tae roa mai ia tatou

Te aamu faufaa mau o te Bibilia 3

Noa 'tu ua pê te mau otaro matamua 4

Noa 'tu te patoiraa 5

Noa 'tu ua tamatahia te tau i ta 'na poroi 6

No te aha ua tae roa mai ia tatou? 8

OIA ATOA

Ua ite anei oe? 9

E ore anei te mau ohipa iino i te hoê mahana? 10

Ua tau i te Bibilia i to 'u oraraa

Ehia taime to 'u hi'araa hou a manuia 'i! 12

Te hi'oparaa faufaa roa 'e ta oe e rave 14

Eaha ta te Bibilia e parau ra? 16



A TAI O Â I NIA I TE INTERNET




API PARAU

Eaha te Bibilia no oe?

(A pata i nia PIAHIA > BUKA E BUKA RAIRAI)

Te aamu faufaa mau o te Bibilia

I roto i te mau buka atoa faaohipahia e te mau haapaoraa, mea taa ê roa te Bibilia. Aita 'tu â buka ta te mau taata i haafaufaa i roto i ta ratou mau tiaturiraa i te roaraa o te tau. I te hoê â râ taime,



o te Bibilia te buka hi'opoa-roa 'e-hia e faahaparoa 'e-hia.

Te feaa nei vetahi aivanaa, ua tuu-mau-hia anei te mau papai tumu i roto i te mau Bibilia o teie tau. Te na ô ra te tahi taata haapii o te hi'opoa i te mau haapaoraa: “E ere te mea papu ua tano te papairaa o te mau parau mai tei itehia i roto i te mau papai tumu. Mea rahi te mau hape e ehia senekele te maoro te papairaahia te reira. Mea rahi atoa te mau vahi mea taa ê roa te tahi papai tahito i te tahi atu.”

Te faahapa atoa ra vetahi i te Bibilia no tei haapiihia ia ratou. No roto mai Faizal i te tahi utuafare o tei ore i tiaturi ia Iesu. Ua haapiihia ia 'na e buka mo'a te Bibilia, ua tauihia râ te tahi mau vahi i roto. Te na ô ra oia: “Mea patoi roa vau ia hinaaro te taata e tauaparau no nia i te Bibilia. No 'u, ua tauihia te Bibilia e te taata! Aita ia ia ratou te mau papai tumu, aore ra tahito, o te Bibilia.”

Mea faufaa anei ia ite ua tauihia te tahi mau vahi o te Bibilia? A feruri na i teie na uiraa: E tiaturi anei oe i te mau parau fafau tamahanahana a te Bibilia mai te peu eita te reira e itehia i roto i te mau papai tumu? (Roma 15:4) E haapao anei oe i te mau aratairaa Bibilia no to oe utuafare, ta oe ohipa e haamoriraa mai te peu ua hape te papairaa i roto i ta oe Bibilia?

Aita faahou te mau otaro a te feia papai Bibilia mai ia Mose ma. E nehenehe râ tatou e ite i teie mahana i te tahi mau papai Bibilia tahito roa, oia atoa e rave rahi tei papai-rima-hia. Mea nafea te reira i te vai-noa-raa noa 'tu ua pê te mau otaro matamua roa, noa 'tu te patoiraa e noa 'tu ua tamatahia i te tau i te mau parau? E nafea te reira e tauturu mai ai ia tiaturi mea papu te Bibilia o teie tau? A hi'o na i te pahonora a i tera na uiraa i roto i te tuhaa i muri nei.

Noa 'tu ua pē te mau otaro matamua

TE FIFI: O te gima e te pepa iri ta te feia papai Bibilia e papai parau i faohipa na mua.* (Timoteo 2, 4:13) No te aha ua haafifi na tao'a faohipahia i te mau papai tumu o te Bibilia?

Mea ohie no te otaro hamanihia e te raau gima i te mahae, te marau e te ino. Ua faataa na taata maimi no nia i te fenua Aiphiti tahito o Richard Parkinson e Stephen Quirke, e pē ohie te reira e e toe noa mai te hu'ahu'a repo. Ua na ô atoa: "E ninaemoa e e haumi te mau otaro ia haaputuhia ratou, e amuhia e te mau animara aore ra manumanu, e te mau ro uouo iho â râ ua vaiiho-ana'e-hia i roto i te repo." Ua ino oioi te tahi mau otaro hamanihia e te gima i te afairaahia te reira i te vahi maramarama roa aore ra haumi.

Mea vai maoro a'e te mau otaro hamanihia e te iri animara. E nehenehe atoa râ te reira e pē ia hape te raveraa aore ra ia vaiihohia i te vahi veavea roa, haumi aore ra maramarama.[#] E amu atoa te mau manu-manu i tera mau hoho'a otaro. No reira te buka *Everyday Writing in the Graeco-Roman East* e parau ai

* E hamanihia te otaro ia te tahi raau e tupu i roto i te pape parauhia gima e te pepa iri i te iri animara.

[#] Ua papaihia te parau mana o te tiamāraa o te Hau Amui no Marite i nia i te otaro hamanihia e te iri animara. I teie mahana, 250 matahiti tei mairi, ua marau roa te reira, aita 'tura te mau papai e ite-faa-hou-hia.

no te mau papai tahito, "mea varavara roa ia ite i te otaro o tei ore i pē." Ahiri mai tera atoa no te mau otaro Bibilia, ua moe atoa ia ta 'na poroi.

UA TAE ROA MAI IA TATOU: Ia au i te ture a te mau ati Iuda, e tia i te mau arii atoa ia "papai ai i teie nei ture na 'na iho i roto i te hoê buka, no roto i te buka ture," na pae buka matamua ia o te Bibilia. (Deuteronomi 17:18) I muri a'e, ua na reira atoa e rave rahi papai parau. I te senekele matamua, e itehia te mau papai Bibilia i roto i te mau sunago ati a'e ia Iseraela e tae noa 'tu i te vahi atea mai ia Makedonia! (Luka 4:16, 17; Ohipa 17:11) Mea nafea tatou i fana'o ai te tahi o tera mau papai tahito roa i teie tau?

Te na ô ra te tahi aivanaa o te Faufaa Apî o Philip Comfort te i'oa: "Ua matauhia te mau ati Iuda mai te feia o te vaiiho i te mau otaro o te mau papai Bibilia i roto i te farii." E au ra ua tamau te mau Kerisetiano i te na reira i muri a'e. Ua itehia mai te tahi o te mau otaro tahito i roto i te farii araea, te afata raau e te mau ana na te mau tuhaa fenua e ere i te mea haumi.

I TEIE MAHANA: Noa 'tu ua mairi 2 000 matahiti, e tausani tuhaa o te mau otaro Bibilia papaihia i te rima taata o tei tae roa mai i to tatou nei tau. Aita 'tu â buka o tei papaihia e te taata o tei vai maoro mai tera.

Hoho'a patahia e te parau faatia a te fare vairaa taihaa tahito British Museum



Otaro o te miti Pohe o tei vai maoro ehia senekele i roto i te farii araea vaiihohia i roto i te mau ana i te mau tuhaa fenua e ere i te mea haumi

Shrine of the Book, Photo © The Israel Museum, Jerusalem



Noa 'tu te patoiraa

TE FIFI: E rave rahi feia mana e aratai haapaoraa o te patoi i te poroi a te Bibilia. Ua faaohipa pinepine hoi i to ratou tiaraa ia ore te taata ia fana'o i te Bibilia, ia papai aore ra ia huri i te reira. Teie e piti hi'oraa:

- **Matahiti 167 hou te Mesia:** Ua imi te arii Antiochus IV (Épiphane) i te ravea ia haamori te mau ati Iuda i te mau atua a to Heleni. Ua faaue o 'na ia taninahia te mau Papai Hebera. Ua faaite te taata tuatapapa Heinrich Graetz, "ia itehia te mau otaro o te Ture e tumahae e e tutui [to 'na mau taata] i te reira i te auahi. E haapohe atoa i te feia o te imi i te faaitoitioraa e te tamahanahanaraa i roto i tera mau papai."

- **Matahiti 500 e tae atu 1500:** Ua riri vetahi aratai haapaoraa Katolika a faaite ai to ratou mau taata i ta te Bibilia e haapii ra. I faaairohia na ei orure hau te taata atoa o tei rave i te tahi atu buka Bibilia, taa ê atu i te buka Salamo reo Latino. Aita te mau tia faaroo o te tahi haapaoraa i faaea noa i ð, ua faaue hoi i to ratou mau taata "itoito, haapao maitai ia imi tamau i te feia o tei faaairohia ei orure hau . . . na roto i te mau fare atoa e te mau piha hamanihia i roto i te fenua, o ta ratou e mana'o ra ua hunahia te mau buka Bibilia i reira. . . . E vavahihia te fare ua itehia te taata orure hau i roto."


Ahiri te mau enemi o te Bibilia i manuia, eita ta 'na poroi e tae roa mai ia tatou.

UA TAE ROA MAI IA TATOU: Ua tamata te arii Antiochus IV i te tau i te haapaoraa a te mau ati Iuda i Ise-raela, e rave rahi râ amuiraa i te tahi atu mau fenua. Ia au i te mau aivanaa, tei rapae ia Ise-raela hau atu 60 i nia i te hanere o te mau ati Iuda i te senekele matamua. Ua vaiiho ratou i te mau papai o te Bibilia i roto i ta ratou mau sunago ta te mau u'i i muri a'e i faaohipa, mai te mau Kerisetiano matamua.—Ohipa 15:21.

Mai 500 e tae atu 1500, ua tamau te feia o tei hanao i te Bibilia i te huri e te papai i te Parau a te Atua noa 'tu te hamani-ino-raa. I 1450, ua huri-ê-nahia te tahi mau tuhaa o te Bibilia na roto 33 reo. E


tena, na mua 'e a itehia 'i te ravea neneiraa mata-mua! I muri a'e, ua hurihia e ua piahia te Bibilia na roto e rave rahi atu â reo.

I TEIE MAHANA: Noa 'tu te patoiraa a te feia mana e aratai haapaoraa, o te Bibilia te buka opere-roa 'e-hia e huri-roa 'e-hia na te ao mai te tau mai â. Ua haafauaahia te Bibilia i roto i te mau ture e te reo i te tahi mau fenua. E mirioni atoa taata tei vaiiho i te reira ia aratai i to ratou oraraa.



Ua vai noa ta William Tyndale huriraa Bibilia Beretane noa 'tu te opaniraa, te mau taninaraa Bibilia e to 'na iho pohe i 1536

Noa 'tu ua tamatahia te tau i ta 'na poroi



Chester Beatty P46, otaro Bibilia hamanihia e te gima no te matahiti 200

© The Trustees of the Chester Beatty Library, Dublin

TE FIFI: Noa 'tu ua pê te mau otaro matamua e noa 'tu te patoiraa, ua vai noa te Bibilia. Ua hinaaro râ vetahi feia papai e taata huri e tau i te **poroi** o te Bibilia. I te tahi taime, ua tamata ratou i te faatano i te mau irava Bibilia i ta ratou mau haapiiraa. A hi'o na te tahi mau hi'oraa:

- **Te vahi haamoriraa:** Mai 301 e tae atu 101 hou te Mesia, ua tau i te feia papai o na buka Bibilia matamua e pae, faaohipahia e te haapaoraa a te mau *Samaritains*, i te Exodo 20:17. Ua tuu atu ratou i te mau parau, "i te mou'a Gerezima. E i reira, e hamani oe i te hoê fata." Ua hinaaro ratou e faatano i tera irava no te turu i te paturaa o te tahi hiero i te mou'a Gerezima.

- **Te haapiiraa o te Toru tahi:** Fatata 300 matahiti i muri a'e i te otiraa te papairaa o te Bibilia, ua tuu te tahi taata papai o tei tiaturi na i te Toru tahi i to 'na mana'o i roto i te Ioane 1, 5:7. Teie ta 'na i papai: "Tootoru hoi e faaite i nia i te ra'i, o te Metua, o te Logo, e o te Varua Maitai; e o taua tootoru ra hoi hoê â ia." Aita râ te reira e itehia ra i roto i te mau otaro Bibilia tahito. Te na ô ra te aivanaa hi'opoa Bibilia o Bruce Metzger: "Mai 600, ua ite-pinepine-hia te reira i roto i te mau papai reo Latino tahito e te [huriraa Bibilia Latino] *Vulgate*."

- **Te i'oa o te Atua:** Ma te faahiti i te tahi tiaturiraa ati Iuda, e rave rahi feia huri Bibilia tei tatara i te i'oa o te Atua i roto i te mau Papai. Ua mono atu i te tiaraa "Atua" aore ra "Fatu." Tera râ i roto i te Bibilia, e ere noa no te Atua poiete tera tiaraa! E faaohipa-atua-hia no te taata, no te mau tao'a a te haapaoraa hape e no te Diabolo atoa.—Ioane 10:34, 35; Korinetia 1, 8:5, 6; Korinetia 2, 4:4.*

UA TAE ROA MAI IA TATOU: Noa 'tu mea haapao ore e ua hape vetahi, e rave rahi taata papai o tei faaite i te aravihi rahi e te haapao maitai. Na te mau *Massorètes* i papai i te mau buka Bibilia Hebera i te mata-

* No te ite atu â, a hi'o i te tuhaa hau i te api 195-197 o te buka *Eaha ta te Bibilia e haapii mau ra?* Te vai atoa ra i nia i ta matou reni www.jw.org/ty.

“Mea tano ia parau aita e buka tahito ê atu o tei horoa mai i te faatiaraa tano roa”

hiti 600 e tae atu 1000. Ua piihia ta ratou ohipa i muri a'e, te mau papai a te mau *Massorètes*. Ua taio roa ratou i te mau parau e leta no te ite aita anei te tahi hape i ravehia. I te mau vahi te mana'o ra ratou ua tauhia te parau, e tapao ratou i te reira i te hiti o te api. Aita te mau *Massorètes* i hinaaro ia tauhia te mau parau i roto i te Bibilia. Ua papai te aivanaa Moshe Goshen-Gottstein, “e hara ino roa no ratou ia rave i te tahi noa 'e tauraa i roto.”

Maoti te rahiraa o te mau papai tahito o tei itehia mai, e nehenehe te mau aivanaa hi'opoa Bibilia e ite i te mau hape aore ra tauraa i ravehia. E rave rahi seneketele, i haapii na te mau aratai haapaoraa o ta ratou ana'e mau huriraa Bibilia Latino tei faaite ma te papu i te itehia i roto i te mau otaro Bibilia. Tera râ i roto i te Ioane 1, 5:7, ua tuu ratou i te mau parau hape faahitihia na mua 'tu. Te vai atoa ra tera hape i roto i te huriraa Bibilia tuiroo Beretane, te *King James Version!* * Eaha râ tei tupu i te iteraahia

* O te *King James Version* te tahi papai o tei faaohipahia no te huri i te Bibilia reo Tahiti, *Te Bibilia Mo'a ra*.



Ua papai maite te mau *Massorètes* i te mau buka Bibilia Hebera

mai te tahi atu mau papai tahito? Ua na ô Bruce Metzger: “Aita te irava [Ioane 1, 5:7] i roto i te mau papai tahito atoa (o te mau reo tahito Aramea, to Aiphiti, Etiopia, Arabia e te reo Slave), i roto ana'e râ i te reo Latino.” Ua tatarahia tera hape i roto i te huriraa api o te *King James Version* e te tahi atu mau huriraa Bibilia.

Ua haapapu anei te mau papai tahito, aita te poroi Bibilia i tauhia? I te iteraahia mai te mau otaro o te miti Pohe i 1947, ua tia i te mau aivanaa ia faaaui i te mau papai *Massorètes* o te mau buka Bibilia Hebera e te mau otaro Bibilia tei papaihia a hau atu tausani matahiti na mua 'tu. Ua faaite te tahi mero o te pûpû o tei papai i te tahi tumu parau no nia i te mau otaro o te miti Pohe i to 'na mana'o. Ua faataa oia, e haapapuraa tera, ua rave maite te feia papai ati Iuda i ta ratou ohipa i faaitehia mai ai te mau parau atoa o te Bibilia noa 'tu ua mairi hau atu tausani matahiti.

I te vairaa buka Chester Beatty i Irelane, e nehenehe e itehia te mau otaro hamanihia e te gima, faata te taatoaraa o te mau Papai Heleni Kerisetiano, oia atoa te mau papai no te matahiti 200. Hanere noa ia matahiti i muri a'e te otiraa te Bibilia i te papaihia! Te faaite ra te tahi buka, “aita noa te mau otaro hamanihia e te gima i riro ei ravea maitai no te faaite i te huru papairaa [o tera tau], ua haapapu atoa râ i te mau faatiaraa a te Bibilia.”—*The Anchor Bible Dictionary*.

I TEIE MAHANA: Noa 'tu te mau hape i ravehia, ua haapapu te mau papai tahito e rave rahi, aita te poroi Bibilia i tauhia. Ua papai Frederic Kenyon, taata hi'opoa i te mau Papai Heleni Kerisetiano, “aita 'tu â buka o tei fana'o e rave rahi haapapuraa tahito roa. Aita hoê a'e aivanaa o te nehenehe e parau aita te mau papai i faataehia mai ma te tia.” No te mau Papai Hebera, ua na ô te aivanaa William Henry: “Mea tano ia parau aita e buka tahito ê atu o tei horoa mai i te faatiaraa tano roa.”

No te aha ua tae roa mai ia tatou?

E nehenehe tatou e fana’o e e taio i te reira i teie mahana. Ia maiti oe i te tahi huriraa Bibilia maitai, ua papu ia oe o te mau papai tahito roa o te Parau a te Atua ta oe e taio ra.* **No te aha** râ te Bibilia i tae roa mai ai ia tatou noa ’tu ua pê te mau otaro

* A hi’o i te tumu parau “E nafea ia maiti i te tahi huriraa Bibilia maitai?” i roto i *Te Pare Tiairaa* o te 1 no Me 2008 (Farani).




“Ua papu ia ’u i teie nei, e ô no ò mai i te Atua ta ’u Bibilia”

matamua, noa ’tu te patoiraa rahi e te mau tamaraa a te taata no te tau i ta ’na poroi? Mea maere mau te mau tupuraa ta te Bibilia i faaruru! Eaha te taa-ê-raa o tera buka?

E rave rahi feia haapii Bibilia o te tiaturi ra mai te aposetolo Paulo o tei papai: “Te mau parau mo’a atoa i papaihia ra e mea faaurua mai ia e te Atua.” (Timoteo 2, 3:16) Ua papu ia ratou, ua tae roa mai te Bibilia ia tatou no te mea o te Parau a te Atua te reira e na ’Na i vai ara ia fana’o tatou i teie mahana. Haamana’o na ia Faizal tei faahitihia i te tuhaa matamua o teie tumu parau. Ua faaoti o ’na i te hi’opoa ua tano anei to ’na mana’o no nia i te Bibilia. Ua haapii oia i te reira e ua maere roa i ta ’na i ite. Ua taa ia ’na i muri iho, aita i roto i te Bibilia te mau haapiiraa ta te Amuiraa faaroo Kerisetiano i haaparare. Ua putapû roa atoa oia i te ite i te opuaraa a te Atua no te fenua mai tei faaitehia i roto i ta ’Na Parau.

Te na ô ra Faizal: “Ua papu ia ’u i teie nei, e ô no ò mai i te Atua ta ’u Bibilia. Ia feruri tatou, mai te peu e nehenehe ta te Atua e hamani i te ao nui, aita anei to ’na e mana no te horoa mai e no te paruru i te hoê buka? Aita ana’e, mai te huru te parau ra tatou mea iti te puai o te Atua Mana hope! O vai hoi au no te faahiti i te parau mai tera?”—Isaia 40:8. ■



I roto i te tumu parau matamua o teie vea, ua hi’opoahia mea nafea te Bibilia i **tae mai ai ia tatou**. E nafea râ ia papu o te Bibilia “te parau a te Atua,” e ere râ te hoê buka o te faatia i te mau aai? (Tesalonia 1, 2:13) A mataitai na i te video poto noa *E nafea e papu ai ia tatou e e parau mau te Bibilia?* i nia www.jw.org/ty. (A pata i nia PIAHIA > BUKA E BUKA RAIRAI)



No te aha mea taa ê te lesu huru i nia i te lepera?

Ua mätä’u roa te mau ati luda i tahito ra i te ma’i lepera matauhia i tera tau. E ma’i pee riarua mau tera o te tuino roa i te mau uaua uira o te mau mero o te tino mai te avae, te rima, te tari’a e te hohó’a mata. Aita e ravea rapaauraa no te ma’i lepera. E faataa-ê-hia tei roohia i tera ma’i i te toea o te taata e e faahepohia ratou ia faaite i to ratou tupuraa.—Levitiko 13:45, 46.

Ua haamau te mau tia faaroo ati luda i ta ratou iho mau ture no nia i te ma’i lepera o tei ore i papaihia i roto i te Parau a te Atua. Ua haafifi faufaa ore noa ia te reira i te oraraa o te taata o tei roohia i tera ma’i. Te na ô ra te pöpö ture a te mau tia haapaoraa o tera tau, e tia ia vaiiho e piti metera te atea i roto i te taata e te hoê lepera. Ia mata’ihia râ, e tia ia vaiiho 45 metera. Ua mana’o hape vetahi feia hi’opoa i te mau tuutuu ati luda e tia i te taata lepera ia ora i rapaeau mai i te oire. Te parau ra hoi te Bibilia, “ei rapae au mai i te puhapa oia e parahi ai.” No reira ia ite te hoê orometua i te tahi taata lepera i roto i te oire, e tao-ra oia ia ’na i te ofai a na ô atu ai: “A ho’i i to oe vahi, eiaha e haaviivii i te taata.”


Auê ia taa-ê-raa ia lesu! Aita roa oia i tiahi i te mau lepera, ua tapea râ e ua faaora atoa ’tu i to ratou ma’i.—Mataio 8:3. ■

Eaha te mau tumu i faatia ’i te mau aratai haapaoraa ati luda i te faataaraa?

I te senekele matamua, ua riro te faataaraa ei aimârôraa i rotopu i te mau aratai haapaoraa. I te hoê taime, ua tamata te tahi mau Pharisea ia lesu na roto i teie uiraa: “E au anei i te ture ia haapae [aore ra faataa] noa te tane i ta ’na vahine i te mau hapaarii atoa nei?”—Mataio 19:3.

Ua faatia te ture a Mose i te tane ia faataa i ta ’na vahine ia “itea ihora e ana te hoê ino i nia ia ’na ra.” (Deuteronomi 24:1) I te tau o lesu, aita te mana’o o na pöpü haapii orometua e piti i tu no nia i tera ture. I au i te pöpü Samai, te mea etaeta a’e, o te faaturi ana’e te tumu o te faatia ra ia faataa. I te tahi pae, te haapii ra te pöpü Hilela, e nehenehe te tane e faataa i ta ’na vahine no te tahi peapea haihai roa. Te na ô ra ia tera pöpü, e nehenehe e faataa i te vahine aita ana’e te tane i au i te maa aore ra ua ite oia i te tahi atu vahine nehenehe a’e.

Eaha ta lesu i pahono i te mau Pharisea? Ua na ô oia: “O te haapae noa i ta ’na vahine, e ere [no] te faaturi, a faaipoipo ai i te tahi, ua faaturi ia: e o te faaipoipo i taua vahine i haapae-hia ra, ua faaturi atoa ia.”—Mataio 19:6, 9. ■



PARAU FAATAARAA
NO TE MATAHITI 71 AORE RA 72

Courtesy Israel Antiquities Authority

E ORE ANEI TE MAU OHIPA IINO I TE HOÊ MAHANA?

Ua hamani-ino-hia anei oe aore ra te tahi mero o to utuafare? Ua tano anei oe i te mātā’u ia hamani-ino-hia oe? Ua parauhia o te mau ohipa hamani-ino-raa taata “te fifi o te rahi noa ’tura na te ao nei.” **A hi’o na te tahi mau hi’oraa.**



HAMANI-INO-HIA E TE APITI: Ia au i te Nunaa Amui, “i te tahi taime o to ratou oraraa, hoê vahine i nia e toru o tei taparahihia aore ra tei haavīhia e to ratou apiti ia taoto. E au ra na te ao nei, hoê vahine i nia e pae o te maferahia aore ra o te tamatahia i te mafera.”

HAMANI-INO-RAA I ROTO I TE MAU AROĀ: Ua faaitēhia, hau atu 30 000 pūpū taata o te faatupu ra i te mau ohipa iino i te Hau Amui no Marite. Hoê taata i nia e toru o tei faaite ua hamani-ino-hia ratou i Marite Latino.

TAPARAHIRAA TAATA: I 2012, fatata 500 000 taata o tei taparahi-pohe-hia i tera noa matahiti. Ua rahi a’e ĩa i te feia o tei pohe i te tama’i. Tei Afirika apatoa e Marite no ropu te numera rahi roa ’’e o te taparahiraa taata. I ō noa, ua tataimaha te numera o te ao nei. I te matahiti hoê, hau atu 100 000 taata tei haapohehia i Marite Latino e i Beresilia noa, 50 000 ĩa. Te vai ra anei te tahi ravea no te faaore roa i te mau ohipa iino?

E ORE ANEI TE MAU OHIPA IINO I TE HOÊ MAHANA?

No te aha te mau ohipa iino i rahi roa ’i? E rave rahi tumu, teie rā te tahi: Te mau peapea i rotopu i tera e tera nunaa taata e te taa-ê-raa rahi e vai ra i roto i te feia veve e te mea tao’ā, te haafaufaa-ore-raa i te ora o vetahi ê, te inu-hua-raa i te ava e te raau taero, te haerea ino o te feia paari o tei riro ei hi’oraa no te tamarii e te rahi o te feia iino o tei ore i faautuahia e te ture.

Parau mau, ua topa rii mai te rahiraa o te mau ohipa iino i te tahi mau fenua. I te oire taata roa o São Paulo i Beresilia, ua topa te numera o te taparahiraa taata, fatata 80 i nia i te hanere ia faaauhia i na ahuru matahiti i māiri. Te maraa noa ra rā te

mau ohipa iino huru rau i tera oire. No te taparahiraa taata, i nia 100 000 taata, 10 tei taparahi-pohe-hia. Eaha te titauhia ia ore te mau ohipa iino i te hoê mahana?

Ia ore te mau ohipa iino, e titauhia ia tau i te huru o te taata. Ia monohia ĩa te teoteo, te nounou e te miimii i te here, te faatura e te tâu’ā ia vetahi ê.

Eaha te turai i te taata ia rave i tera mau tauriraa rahi? A hi’o na i ta te Bibilia e haapii ra:

■ “Teie hoi te hinaaro [aore ra here] i te Atua, o te haapao i ta ’na ra parau.”—Ioane 1, 5:3.

■ “Māta’u to ’u ia Iehova, e te riarā nei au i te ino.”*—Maseli 8:13.

O te here i te Atua e te mātā’u i te faaoto ia ’na

* O Iehova te i’oa o te Atua i roto i te Bibilia.

te tahi tumu rahi o te nehenehe e tauturu i te taata, oia atoa te feia iino, ia tau. E ere o rapae noa te tau, te huru o roto atoa rā. E nehenehe mau anei rā?

A hi'o na ia Alex* o tei tapeahia 19 matahiti i te fare tapearaa no Beresilia no te mau ohipa iino e rave rau ta 'na i rave. Ua riro mai oia ei Ite no Iehova i 2000 i muri a'e i to 'na haapiiraa i te Bibilia e o ratou. Ua tau mau anei o 'na? E, e te tatarahapa mau ra Alex i te mau ohipa iino atoa ta 'na i rave. Te na ô ra o 'na: "Na to 'u here i te Atua i turai ia 'u ia imi i te ravea ia faaore o 'Na i ta 'u mau hara. Ua tauturu mai te mauruuru e te here ia Iehova ia tau."

Ahuru ma pae matahiti te maoro to César no Beresilia riroraa ei taata eiā. I te tahi taime, ua faaohipa atoa o 'na i te pupuhi. Na te aha i turai ia 'na ia tau? I roto i te fare tapearaa, ua farerei oia i te mau Ite no Iehova e ua haapii atoa i te Bibilia. Te faataa ra César: "Tera te taime matamua i ite ai au i te oaoa mau. Ua haapii au i te here i te Atua e te mātā'u ia 'na, te auraa, eiaha e rave faahou i te ino ia ore o Iehova ia oto. Ua hinaaro vau e faaite i to 'u mauruuru no to 'na maitai rahi. Na tera here e mātā'u i turai ia 'u ia tau."

Eaha ta teie mau hi'oraa e faaite ra? E mana to te Bibilia no te tau roa i te taata, na reira atoa to ratou feruriraa. (Ephesia 4:23) Te na ô faahou ra Alex tei faahitihia i nia: "E au te mau mea ta 'u i haapii i roto i te Bibilia i te pape o tei tamā ia 'u, ua matara mārū noa te viivii a tamāhia 'i to 'u feruriraa. Aita vau i mana'o noa 'e e tia ia 'u ia faarue i tera mau mea i te hoê mahana." Oia mau, ia faaī tatou i to ratou feruriraa i te poroi viivii ore o te Bibilia, e mā aore ra e ore roa te ino. E mana to te Parau a te Atua no te tamā. (Ephesia 5:26) I reira te feia ino roa e miimii e tau ai, e riro ai ei taata maitai e te hau maoti te haapaoraa i te mau faauerā Bibilia. —Roma 12:18; Isaia 48:18.

Hau atu vau mirioni Ite no Iehova i 240 fenua o tei ite i te ravea no te faaore i te mau ohipa iino. E taata ratou no te mau nunaa atoa, e feia veve e tao'a. Noa 'tu to ratou oraraa na mua 'e, ua haapii ratou i te here e te mātā'u i te Atua. I te here atoa i

* Ua tauhia te mau i'oa.



A hi'o eaha te rave no te ora i roto i te hoê ao aore e ohipa ino faahou

te tahi e te tahi e te ora ma te hau ei utuafare hoê na te ao. (Peters 1, 4:8) Te haapapu ra to ratou oraraa e nehenehe te mau ohipa iino e ore i te hoê mahana.

FATATA TE HOÊ AO AORE FAAHOU E OHIPA INO!

Te fafau ra te Bibilia fatata te Atua i te faaore i te mau ohipa iino i nia i te fenua nei. Eaha te tiai mai ra i teie nei ao ino? "Te mahana haavaraa [a te Atua,] i te poheraa o te feia paieti ore ra." (Peters 2, 3:5-7) Aore faahou e taata ino no te haamauii ia vetahi ê. E nafea ia papu tera ta te Atua e hinaaro ra e rave?

Te na ô ra te Bibilia: "Te rave parau ino ra, ua riri roa [to te Atua] aau ia 'na." (Salamo 11:5) Mea au roa na te Atua poieta i te hau e te parau-tia. (Salamo 33:5; 37:28) No reira oia e haamou roa 'i i te feia ino.

E itehia ia te hoê ao apī hau mau! (Salamo 37:11; 72:14) No te aha e ore ai e haapii atu ā no te ite eaha te rave no te ora i roto i tera ao apī aore faahou e ohipa ino? ■



Te faatia ra te tahi taata i to 'na aamu i roto i te video poto noa *Mai te fare tapearaa e tae atu i te mau haamaitiraa* i nia www.jw.org/ty. (A pata i nia **NO NIA IA MATOU > OHIPA**)



FAATIARAA A
JOSEF MUTKE

MATAHITI FANAURAA
1953

FENUA
AUTERALIA

AAMU
MATAU I TE MATAITAI
I TE HOHO'A FAUFAU



Ehia taime to 'u hi'araa hou a manuia 'i!

NA MUA 'E: Ua faarue to 'u metua tane i te fenua Heremani i 1949 no te haere i Auteralia. Ua imi oia i te ohipa i roto i te mau taiete heruraa e hamaniraa ito. I te mataeinaa Victoria to 'u papa i te nohoraa e te faaipoiporaa i to 'u mama e fanauhia 'tura vau i 1953.

Tau matahiti i muri a'e, ua haamata to 'u mama i te haapii i te Bibilia e te mau Ite no Iehova. E nehenehe e parau, ua paari au e te mau haapiiraa a te Bibilia. Mea au ore roa râ na to 'u papa i te mau haapaoraa atoa. Ua riro mai oia ei taata ino, haavî e ua riarria roa to 'u mama ia 'na. Ua tamau râ o 'na i te haapii i te Bibilia ma te huna e au atura o 'na i ta 'na i haapii. Aita ana'e papa i te fare, e faaite mai mama i ta 'na i haapii, ia 'u e to 'u tuahine. Ua faataa mai o 'na e riro te fenua ei paradaiso a muri a'e e e ite mâua i te oaoa ma te haapao i te mau ture aveia a te Bibilia.—Salamo 37:10, 29; Isaia 48:17.

I te 18raa o to 'u matahiti, ua faarue au i te fare no to papa huru ino. Noa 'tu ua tiaturi au no roto mai te Bibilia ta Mama i haapii mai, aita vau i haafaufaa i te reira. Aita atoa ia i haapao i roto i to 'u oraraa. Ua haamata vau i te ohipa i te tahi vahi heruraa arahu ei rave ohipa i roto i te uira. I te 20raa o to 'u matahiti, ua faaipoipo e toru matahiti i muri a'e fanau maira ta mâua hoê tamahine. I tera taime, ua feruri au i to 'u oraraa. Ua ite e oaoa to 'u utuafare maoti te mau aratairaa Bibilia, haamata 'tura vau i te haapii e te hoê Ite no Iehova. Mea riri roa râ na ta 'u vahine i te mau Ite. I to 'u haereraa i te taime matamua i ta ratou putuputuraa, ua titau mai oia ia maiti, te haapiiraa Bibilia aore ra to 'u utuafare. No to 'u paruparu, farii atura i te faaea i te amuimui e te mau Ite no Iehova. I muri a'e râ, ua tatarahapa roa vau i te ore e haapao i ta 'u i ite mea tia.

I te tahi mahana, ua turai mai to 'u mau hoa ohipa ia mataitai i te hoho'a faufau. Noa 'tu mea hairiiri, ua hinaaro noa to 'u mata e hi'o i te reira! I te hopearaa, ua faahapa noa vau ia 'u. Ma te haamana'o i ta te Bibilia e haapii ra, ua papu ia 'u e faautua mai te Atua. Ua tamau râ vau i te mataitai i te mau hoho'a hairiiri e tau i atura to 'u mana'o no nia i te mau hoho'a faufau. Eita 'tura ta 'u e nehenehe faahou e faaea i tera peu.

I te roaraa o na 20 matahiti i muri a'e, ua atea e roa 'tu a vau i te mau ture aveia ta mama i haapii mai. Ua faaite to 'u haerea eaha ta 'u i tuu i roto i to 'u feruriraa. Mea faufau ta 'u huru paraparau e mea arearea roa na 'u te mau faatiaraa faufau. Ua hape roa to 'u mana'o no nia i te mau peu taotoraa. Mea faaipoipohia vau, aita ra i taiã i te taoto i tahi atu mau vahine. I te hoê mahana, tei mua vau i te hi'o e aita roa vau i au i te taata ta 'u e ite ra. Aita vau i faatura faahou ia 'u iho, ua riro mai ra ei taata hairiiri mau!

Ua taa vau i ta 'u vahine e ua ino roa to 'u oraraa. I muri a'e, ua pure au ia Iehova ma to 'u aau atoa. Ua rave faahou atura vau i ta 'u haapiiraa Bibilia noa 'tu 20 matahiti tei mairi. I muri a'e, ua pohe to 'u papa e tia 'tura i to 'u mama ia baptizohia ei Ite no Iehova.

UA TAU TE BIBILIA I TO 'U ORARAA: Mea taa e roa to 'u oraraa i te mau ture aveia teitei a te Bibilia. I tera ra taime, ua faaoti papu vau i te imi i te hau o te feruriraa ta te Bibilia e fafau ra. Ua haapae au i te mau parau faufau e ua haavi i to 'u huru. Ua faaea atoa vau i te mau peu taotoraa faufau, te pere moni, te inu hua i te ava e te eiã i to 'u paoti ohipa.

Aita to 'u mau hoa ohipa i taa no te aha vau i hinaaro ai e tau roa. E toru matahiti te maoro, ua tamau ratou i te turai mai ia ho'i i tera mau peu iino. Ia hema vau maa taime ma te riri aore ra ma te parau ino, oaoa roa ratou i te na ô mai: "Era, ua ho'i mai te huru tahito o Josef!" Auê te mauui tera mau parau! E pinepine au i te faahapa ia 'u.

I te vahi raveraa ohipa, ua rahi roa te hoho'a faufau, mea e to roto i te matini roro uira, mea e te mea neneihia. E hapono tamau te mau hoa ohipa i te reira maoti te matini roro uira mai ta ratou i rave i nia

ia 'u na mua 'e. Te tutava ra vau i te faaea i tera peu, area ratou ua tamata noa ia i te turai mai ia hara. Ua imi au i te tauturu e te faaitoitoraa i te taata o tei faatere i ta 'u haapiiraa Bibilia. Ia haamahora vau i to 'u aau, e faaroo mai oia ma te faaoromai. Ma te faaohipa i te mau irava Bibilia taa maitai, ua faaite mai oia e nafea ia mau papu e ua faaitoito atoa mai ia imi tamau i te tauturu a Iehova na roto i te pure. —Salamo 119:37.

I te hoê mahana, ua ani au i te mau hoa ohipa ia putuputu. I te taeraa mai te taatoaraa, ua ani atu vau ia horoa i te hoê pia i na taata e piti o tei faaite e taero ava raua. Tuô paatoa ihora ratou: "Eiaha! E hoa a'era, te tamata ra hoi raua i te faaea!" Pahono ihora vau: "O vau atoa!" Mai tera mahana mai â, ua ite ratou te tutava ra vau i te faaea i te mataitai i te hoho'a faufau e aita 'tura i turai faahou mai ia ho'i i to 'u huru tahito.

I muri a'e e maoti te tauturu rahi a Iehova, ua tia ia 'u ia faaea roa i te mataitai i te hoho'a faufau. I 1999, ua baptizohia vau ei Ite no Iehova. Auê au i te maururu i te faaoromai rahi o te Atua, tia 'tura ia 'u ia tau e ia fana'o i te hoê oraraa tura e te oaoa!

I teie nei, ua taa ia 'u no te aha mea au ore na Iehova te mau mea ta 'u i rave ehia matahiti. Ei Metua i te here, ua hinaaro o 'na e paruru ia 'u i te peapea rahi ta te hoho'a faufau e faatupu. Mea tano roa te mau mana'o o te Maseli 3:5, 6! Te na ô ra hoi: "E tiaturi ia Iehova ma to aau atoa ra; eiaha ra e tiaturi i to oe ihora haapao. Eiaha e haamoe ia 'na i to oe atoa ra mau haerea; e na 'na e faaite ia oe i to oe ra mau haerea." E ere noa te mau ture aveia Bibilia i te parururaa, e ravea atoa ra no te ite i te oaoa mau. —Salamo 1:1-3.

TO 'U FAUFAARAAHIA: Na mua 'e, ua au ore roa vau ia 'u. I teie nei ra, te faatura ra vau ia 'u e ua faaea i te faahapa noa. E oraraa tura to 'u e te ite nei au ua faaore o Iehova i ta 'u mau hara e te turu atoa mai ra oia. I 2000, ua faaipoipo vau ia Karolin, te tahi vahine Kerisetiano nehenehe mau o te here ra ia Iehova mai ia 'u. E oraraa hau to mâua i te fare. Auê mâua i te maururu i te riro ei mero o te hoê utuafare Kerisetiano tura e te i te here na te ao atoa nei. ■



TE HI'OPORAA FAUFAA ROA 'E TA OE E RAVE

E PARAU anei oe e Kerisetiano oe? Mai te peu e, tei rotopu oe i na piti miria tiahapa taata na te ao o te parau ra e pīpī ratou na te Mesia. Hoê ia taata i nia e toru o te pahono mai tera! I teie mahana, e tausani pūpū faaroo o te pīhīa Kerisetiano, mea taa ê râ ta ratou mau haapiiraa e to ratou mau mana'o. Mea taa ê roa paha ta oe mau tiaturiraa i ta te tahi atu mau taata o te parau ra e Kerisetiano ratou. Mea faufaa anei ia hi'opoa i ta oe mau tiaturiraa? E, mai te peu iho â râ te hinaaro ra oe e haapao i ta te Bibilia e haapii ra.

I pīhīa na te mau pīpī matamua a Iesu Mesia, "Kerisetiano." (Ohipa 11:26) Aita e faufaa ia ho-roa i te i'oa ê no ratou, hoê ana'e hoi faaroo Kerisetiano i tera tau. Mea hoê te mau Kerisetiano no te mea ua haapao ratou paatoa i te mau haapiiraa e faaueraa a Iesu Mesia tei haamau i te amuiraa Kerisetiano. E no ta oe haapaoraa? Te haapii ra anei i ta te Mesia i haapii? Eaha te mau tiaturiraa a te mau pīpī matamua a Iesu? E nafea ia papu i te reira? Hoê ana'e ravea, e hi'opoa i ta te Bibilia e parau ra.

1 UIRAA: O vai te Atua?
PAHONORAA: O Iehova te Atua mure ore e te Mana hope, na 'na i poiete i te mau mea atoa e o 'na te Metua o Iesu.

EAHA TA TE BIBILIA E PARAU RA?

- "Te haamaitai nei mâua i te Atua, i te Metua o to tatou Fatu o Iesu Mesia, ma te pure tamau â [no] outou."—Kolosa 1:3.
- "Aitâ oe i ite, aitâ oe i faaroo, e e parahiraa mure ore to te Atua, to Iehova, o tei hamani i te fenua e tae noa 'tu i te hopea ra!"—Isaia 40:28.
- A hi'o atoa Roma 10:13; Timoteo 1, 1:17.

2 UIRAA: O vai Iesu Mesia?
PAHONORAA: O Iesu te Tamaiti matahiapo a te Atua. Mea poietehia Iesu, e haamataraa ia to 'na. Tei raro a'e Iesu i te Atua e o te hinaaro o to 'na Metua ta 'na e haapao.

EAHA TA TE BIBILIA E PARAU RA?

- "E rahi hoi tau Metua ia 'u."—Ioane 14:28.
- "O te hoho'a mau [Iesu] o te Atua itea-ore-hia ia hio, o te matahiapo o te mau mea atoa i poietehia."—Kolosa 1:15, *Te Faufaa Api*.
- A hi'o atoa Mataio 26:39; Korinetia 1, 15:28.

3 UIRAA: Eaha te varua mo'a?
PAHONORAA: E ere te varua mo'a i te taata, e puai râ o ta te Atua e faaohipa no te faatupu i to 'na hinaaro. E nehenehe te taata e ihia i te varua mo'a e e itoitohia i te reira.

EAHA TA TE BIBILIA E PARAU RA?

- "E tei te faaoraa mai Elisabeta i to Maria aroharaa 'tu, ua ou'a ihora te tamaiti i roto i to 'na opu; i a'era Elisabeta i te Varua Maitai."—Luka 1:41.
- "E noaa râ to outou mana i te Varua Maitai ia haere mai i nia iho ia outou."—Ohipa 1:8.
- A hi'o atoa Genese 1:2; Ohipa 2:1-4; 10:38.

A hi’o na: Mea faatura roa na Iesu Mesia i te mau Papai, te Parau a te Atua. Mea au ore roa na ’na te feia o tei haafaufaa a’e i te mana’o taata i te mau haapiiraa Bibilia. (Mareko 7:9-13) Mea tano ia ia parau, ua niuhia te mau tiaturiraa a te mau pipi mau a Iesu i nia i te Parau a te Atua. Mea maitai ia uiui te mau Kerisetiano atoa, ‘Ua niuhia anei te mau haapiiraa a ta ’u haapaoraa i nia i te Bibilia?’ No te pahono i tera uiraa, no te aha e ore ai e faaau i ta ta oe haapaoraa e haapii ra e ta te Bibilia e parau ra?

Ua faaite Iesu e tia ia haamori i te Atua ma te parau mau o te itehia i roto i te Bibilia. (Ioane 4:24; 17:17) E ua parau te aposetolo Paulo, e faarahia tatou “ia noaa te ite i te parau mau.” (Timoteo 1, 2:4) Mea faufaa roa ia niuhia ta tatou

mau tiaturiraa i nia i te parau mau papu a te Bibilia. No te aha? Ia ora tatou!

E NAFAEA IA FAAAU I TA OE MAU TIATURIRAA E TE BIBILIA?

A taio e a feruri maite na i na ono uiraa e te pahonora a te Bibilia. I muri iho, a uiui ia oe, ‘Ua tano anei ta ta ’u haapaoraa e haapii ra i ta te Bibilia e parau ra?’

Mea faufaa roa te hi’opoaraa o ta oe e rave maoti teie mau mana’o. E farii anei oe i te faaau i te tahi atu haapiiraa a ta oe haapaoraa e ta te Bibilia e haapii ra? E oaoa roa te mau Ite no Iehova i te tauturu ia oe ia hi’opoa i te parau mau papu i roto i te Bibilia. No te aha e ore ai e ani i te hoê haapiiraa Bibilia tamoni ore i te tahi Ite no Iehova? Aita ana’e, a hi’o i nia i ta matou reni jw.org/ty. ■

4 UIRAA: Eaha te Basileia o te Atua? PAHONORAA: O te Faatereraa arii a te Atua i te ra’i e o Iesu te Arii. Fatata tera Faatereraa arii i te faatupu i te hinaaro o te Atua i te mau vahia atoa i nia i te fenua nei.

EAHA TA TE BIBILIA E PARAU RA?

- “Ua faato maira te toohitu o te melahi i ta ’na, e e mau reo rarahi atura tei nia i te ra’i, i te na ôraa e, O te basileia ra o teie nei ao ua riro ei basileia no te tatou Fatu e no ta ’na ra Mesia, e e vai ia te hau ia ’na e a muri noa ’tu.”—Apokalupo 11:15.
- A hi’o atoa Daniela 2:44; Luka 11:2.

5 UIRAA: E haere anei te feia maitai atoa i te ra’i? PAHONORAA: Eita. O te hoê pūpū taata taiva ore piihia “nānā iti” tei maitihia e te Atua no te ora i te ra’i. E faatere ratou e o Iesu ei arii no te huiataa.

EAHA TA TE BIBILIA E PARAU RA?

- “Eiaha e māta’u, e tau nānā iti e; e mea hinaaro na to outou Metua i te horoa mai i te basileia no outou.”—Luka 12:32.
- “E riro rā ratou ei tahu’a na te Atua e na te Mesia, e e hau to ratou ia ’na ra.”—Apokalupo 20:6.
- A hi’o atoa Apokalupo 14:1, 3.

6 UIRAA: Eaha te opuaraa a te Atua no te fenua e te huiataa? PAHONORAA: I raro a’e i te Faatereraa arii a te Atua, e riro te fenua ei paradaiso e e fana’o te feia taiva ore i te ea maitai, te hau aore e hopearaa e te ora mure ore.

EAHA TA TE BIBILIA E PARAU RA?

- “Area te feia mārū ra, e parahi ia i te fenua, e oaoa ratou i te rahi o te hau ra.”—Salamo 37:10, 11.
- “E na te Atua e horoi i to ratou roimata atoa; e e ore roa te pohe, e te oto, e te mihi, e te mauui, e ore atoa ia, no te mea ua mou te mau mea tahito ra.”—Apokalupo 21:3, 4.
- A hi’o atoa Salamo 37:29; Petero 2, 3:13.

EAHA TA TE BIBILIA E PARAU RA?



Na vai i haamau i te haapaoraa?

TE PARAU RA VETAHI: Na te taata. Area te tahi atu, te mana’o ra e ravea tera ta te Atua e faaohipa ra ia haafatata te taata ia ’na. Eaha to oe mana’o?

EAHA TA TE BIBILIA E PARAU RA?

Te vai ra “te paieti [aore ra haapaoraa] mau e te ino ore i mua i te aro o te Atua, o to tatou Metua.” (Iakobo 1:27) Na te Atua ia i haamau i te haapaoraa mau.

EAHA ’TU Â TA TE BIBILIA E HAAPII MAI RA?

- E farii te Atua i te tahi haapaoraa ia niuhia te reira i nia i te parau mau Bibilia.—Ioane 4:23, 24.
- Mea faufaa ore te mau haapaoraa o tei niuhia i nia i te mau mana’o taata.—Mareko 7:7, 8.

E titauhia anei ia riro ei mero no te tahi haapaoraa?

E PAHONO ANEI OE?

- E
- Eita
- Tei te huru

EAHA TA TE BIBILIA E PARAU RA?

“E haapao maite â tatou te tahi i te tahi, a faaaraara ’tu ai ia rahi te aroha, o te rave i te mau ohipa maitatai ra: eiaha hoi e faarue i ta tatou haaputuputuraa.” (Hebera 10:24, 25) Te hinaaro ra te Atua ia putuputu ta ’na mau tavini ei pūpū faanahohia.

EAHA ’TU Â TA TE BIBILIA E HAAPII MAI RA?

- Hoê â tiaturiraa ta te feia o te haamori amui ra i te Atua.—Korinetia 1, 1:10, 11.
- E riro te mau mero o te haapaoraa ta te Atua e farii ei huitaeae na te ao nei.—Petero 1, 2:17.



A haponu mai na hoê buka
Eaha ta te Bibilia e haapii mau ra?

No te ite atu â, a hi’o i te pene 15 o teie buka piahia e te mau lte no lehova

Te vai atoa ra i nia www.jw.org/ty

REO _____

I’OA _____

VAHI NOHORAA _____

A hi’o i te api 2 no te papai mai



Mea tamoni ore ia rave mai i teie vea e tei matara ê na

Bibilia na roto 130 reo

A hi’o i nia www.jw.org/ty aore ra a faaohipa i teie hoho’a



wp.16.4-TH
160315